

Parke Nacional Arikok a pone borchì di regla y reglamento na Spaans Lagoen



ORANJESTAD(AAN): Na Spaans Lagoen, banda di e brug bieu di Balashi, por a tuma nota cu tin trabaonan andando. Personal di Parke Nacional Arikok a bin tem-

pran, pasobra nan a pone borchì cu tin regla y regulacion pa loke ta e zona aki.

E ta un area proteha y cu awo ta cay bao di encargo di Parke Arikok. Ta pa e motibo

aki diaranson mainta, e mesun personal di parke tabata man na obra pa asina pega e borchinan aki.

Riba e borchinan por mira claramente tin por ehempel areanan restringi, no mag di tin vehiculo di motor, bicicleta, pa move den e zona aki. Tambe por mira cu ta prohibi hasta pa pisca, pasobra ta un zona cu por mira hopi hende, mucha y hende grandi, ta bin tira liña net na e brug.

Tambe sushi ta algo cu bo no por tira. Tampoco por coy mata y otro bestianan cu tin den e zona.

Tambe ta prohibi kayak, aunke cu sa cu tin un tour di kayak cu ta pasa diarientemente den e zona aki. Awor por mira cu tin e borchì cu no mag. Ta prohibi pa bin cu boto of kayak den e lagoen y tambe ta para cu entrada ta prohibi pa cachu of otro animal. Tambe ta pidi pa tin silencio den e area.

Tur e regulacionnan ta poni na Ingles y Papiamentu pa henter e comunidad di Aruba lesa.

No ta un secreto cu e zona



particular aki a cay den man di Parke Nacional Arikok. Den cercania tin un borchì mas cu a pone. Esaki ta pa tin un bista den ki zona bo por ta.

Awor aki, una bez bo yega

na e zona aki, e ta cay bao di Parke Nacional Arikok, y abo mester mantene segun regla cu ta para riba borchì. E ta conta pa tur hende, incluyendo e turista cu ta bin bishita nos isla.